

Na osnovu člana 21. Statuta JP Autoceste Federacije BiH d.o.o. Mostar, Nadzorni odbor JP Autoceste Federacije BiH d.o.o. Mostar, na sjednici održanoj dana 10.05.2017. godine u Mostaru, donosi:

**PRAVILNIK O IZMJENAMA PRAVILNIKA O RADU
JP AUTOCESTE FEDERACIJE BIH
d.o.o. MOSTAR
BROJ NO.1.01-3947-9/16**

Član 1.

U članu 9. iza stava (1) dodaje se novi stav koji glasi:

„Prijem novih radnika vršit će se putem konkursne procedure propisane podzakonskim aktom Vlade Federacije BiH ili na način propisan Upustvom za prijem novih radnika u JP AC -U 6.2-01.“

Član 2.

U članu 26. u Pravilima za određivanje stepena odgovornosti, samostalnosti i složenosti poslova iza pravila broj 11. dodaje se novo pravilo broj 12. koje glasi:

„O unaprijeđenju radnika odlučuje direktor Društva na prijedlog izvršnog direktora Sektora / šefa Službe pri Kabinetu. U posebnim slučajevima, direktor može unaprijediti Radnika i prije proteka roka propisanog u pravilima broj 8., 9. 10. i 11.“

Član 3.

U članu 33. se briše stav (3).

Član 4.

U članu 71. iza stava (2) dodaje se novi stav koji glasi:

„Ukoliko je stručno obrazovanje radnika od naročitog značaja za uvođenje novih i unaprijeđenje postojećih poslovnih procesa kod Poslodavca, Radniku se može odobriti i plaćeno odsustvo u trajanju dužem od 30 radnih dana u jednoj godini.“

Član 5.

Član 83. stav (3) mijenja se i glasi:



„Direktor može odlučiti da:

1. oslobodi radnika od odgovornosti;
2. upozori radnika u usmenoj / pismenoj formi;
3. utvrdi mjeru / sankciju (smjenu radnika sa poslova koje obavlja uz ponudu izmijenjenog ugovora o radu).
4. otkáže ugovor o radu;
5. umjesto otkaza ugovora o radu, novčano sankcioniše radnika uz njegovu saglasnost.“

OBRAZLOŽENJE

Član 1. – Radi najave iz Vlade Federacije o donošenju podzakonskog akta kojim će se definisati konkursna procedura predviđa se mogućnost prijema novih radnika putem konkursne procedure na način koji će biti propisan od Vlade Federacije.

Član 2. – Dopunjavaju se Pravila za određivanje stepena odgovornosti, samostalnosti i složenosti poslova na način da se dodaje Pravilo broj 12. koje definiše da o unaprijeđenju radnika odlučuje isključivo direktor prema prijedlogu izvršnog direktora Sektora /šefa Službe te da direktor može unaprijediti radnika i prije proteka definisanog roka.

Član 3. – Briše se stav (3) člana 33. Pravilnika u skladu sa primjedbama Federalne inspekcije rada navednim u zapisniku o inspekcijском nadzoru od 21.02.2017.god budući da je naknada plaće u slučaju povrede na radu adekvatno definisana stavom (1) istog člana.

Član 4. - Dodaje se novi stav kojim se omogućava da se u slučajevima od naročitog značaja za Preduzeće radniku može odobriti korištenje plaćenog odsustva u trajanju dužem od 30 radnih dana u jednoj godini.

Član 5. – U skladu sa primjedbama Federalne inspekcije rada navednim u zapisniku o inspekcijском nadzoru od 21.02.2017.god. mijenja se odredba člana 83., a vezano za član 82. Zakona o radu koja propisuje da poslodavac ne može bez izvršne sudske odluke ili bez saglasnosti radnika uskratiti isplatu plaće ili nekog njenog dijela.

Broj: NO. 1.01 – 1789-1/17
Mostar, 15.05.2017. godine

Predsjednik Nadzornog odbora
JP Autoceste Federacije BiH
Dobroslav Galić

